

Aðalfundur Ungmennafélags Selfoss haldinn í félagshemilinu Tíbrá fimmtudaginn 10. apríl 2014 kl. 20:00.

Fundargerð

1. Formaður félagsins Kristín Bára Gunnarsdóttir setti fundinn og bauð fundarmenn og gesti velkomna.
2. Fundarstjóri var kosinn Guðmundur Kr. Jónsson og Gissur Jónsson til vara.
3. Fundarritarar voru kosin Viktor S. Pálsson og Hróðný Hanna Hauksdóttir.
4. Í kjörbréfanefnd voru kosin Sveinbjörn Másson, Hróðný Hanna Hauksdóttir og Ingunn Guðjónsdóttir.
5. Fundargerð síðasta aðalfundar var lögð fram og samþykkt.
6. Gert var stutt hlé á fundinum meðan fulltrúar Umf. Selfoss og Sveitarfélagsins Árborgar skrifuðu undir nýjan samstarfssamning vegna reksturs íþróttavallarsvæðsins við Engjaveg.
7. Sveinbjörn Másson lagði fram álit kjörbréfanefndar og fór yfir mætingu fulltrúa. Alls voru mættir 47 fulltrúar af 51 sem áttu rétt til setu á fundinum.
8. Formaður flutti ársskýrslu félagsins, hún byrjaði að fara yfir gildi félagsins og hvernig nota mætti þau í störfum þess. Því næst fór hún yfir störf tólmundaskóla Umf. Selfoss og minja- og jólasveinanevndarinnar og þakkaði hún aðilum fyrir góð störf á síðastliðnu ári. Í máli hennar kom fram að mikilvægt væri að sýna verðlaun sem félagið hefði unnið til í gegnum árin, einkum þar sem starfsemi á vegum félagsins færi fram og fór hún fram á stuðning sveitarfélagsins til að svo gæti orðið. Formaturinn gerði því næst grein fyrir framkvæmdum á vallarsvæði félagsins og verkefnum sem þar væru á döfinni. Þá þakkaði hún starfsmönnum félagsins fyrir góð störf.

Formaturinn greindi frá hugmyndum um frekari uppbyggingu á íþróttamannvirkjum.

Formaturinn lét vel að framkvæmd Landsmóts UMFÍ, þrátt fyrir erfitt tíðarfar og þakkaði sjálfboðaliðum sérstaklega fyrir sín störf.

Að lokum þakkaði hún öllum þeim fjölda sjálfboðaliða sem starfa innan félagsins og sagði að án þeirra væri ekki hægt að halda uppi jafn öflugum starfi og raun ber vitni.

9. Gissur Jónsson, framkvæmdastjóri Umf. Selfoss, fór yfir helstu tölur í ársreikningi félagsins. Í máli hans kom fram að tekjur vegna veitingasölu á Landsmóttinu hefðu alveg brugðist. Áréttaði hann mikilvægi þess að rekstur félagsins væri ávallt hallalaus.

10. Umræður um skýrslu formanns og ársreikninga félagsins.

Helgi Haraldsson, þakkaði fyrir framkomna skýrslu. Vakti hann athygli á mismuni sem væri milli æfingagjalda og þeim kostnaði sem félli á félagið við að halda úti æfingum. Vildi hann með þessu vekja fólk til umhugsunar um kostnað sem leggst á félagið og að sjálfbodaliðar þyrftu að afla tekna til að greiða það sem upp á vantar. Sífellt erfiðara væri að fá fólk í þessi störf og að hætta væri á að fólk gæfist upp á endanum. Þá gerði Helgi grein fyrir áframhaldandi uppbyggingu á íþróttamannvirkjum og mikilvægi þess að félagið sjálf kæmi að ákvörðun um forgangsöröðun. Mikilvægt væri að leggja fram langtíma áætlun sem staðið yrði við, því þannig væri hægt að koma til móts við óskir flestra deilda og að slíkt skapaði sátt innan félagsins.

Að loknum umræðum voru reikningar félagsins lagðir fram og voru þeir samþykktir samhljóða.

11. Ávörp gesta.

Fyrst tók til máls Ásta Stefánsdóttir, þakkaði hún sjálfsboðaliðum á síðasta Landsmóti UMFÍ fyrir sín störf. Því næst fór yfir hún samstarf sveitarfélagsins og Umf. Selfoss og sagði að samstarfið hefði gengið vel. Félagið væri að sinna mikilli þjónustu fyrir sveitarfélagið, t.d. varðandi rekstur á íþróttamannvirkjum. Í máli hennar kom fram að nokkur verkefni liggi fyrir og nefndi sérstaklega æfingasvæði sem til staði að byggja upp. Mikil og góð nýting væri á íþróttamannvirkjum bæjarins og mótahald væri nánast allar helgar.

Því næst tók Kjartan Björnsson til máls, sagði hann að félagið hefði yfir miklu afli að ráða og ekki væri sjálfgefið að sjálfbodaliðar væru ávallt til staðar. Lýsti hann áhyggjum yfir hversu miklu munar á æfingargjöldum og kostnaði við æfingar og að þetta hefði ítrekað verið rætt innan bæjarstjórnarinnar. Þá sagði hann að mikilvægt væri að nota félagsvörur til kynningar og sem fjáröflun og að í þeim væri vannýtt auðlind. Taldi hann nauðsynlegt að bæta aðkomu að svæði félagsins og gera hana sem glæsilegasta. Varðandi uppbyggingu mannvirkja, nefndi hann mikilvægi þess að félagið væri samhent og að það kæmi fram sem ein heild og næði saman um forgangsöröðun verkefna. Að lokum nefndi hann möguleika á því að félagið tæki við keflinu varðandi Selfossblótið og kvað málið til umfjöllunar innan félagsins.

Hafsteinn Þorvaldsson tók síðast til máls, hann kvað samstarf félagsins og Sveitarfélagsins Árborgar einstakt, bæði hvað varðar fjárhagsstuðning og uppbyggingu mannvirkja. Óskaði hann félaginu til hamingju með að allar deildir væru nú fyrirmyndardeildir og að slíkt væri einstakt.

12. Gissur Jónsson gerði grein fyrir tillögum sem lágu fyrir fundinn.

Tillaga 1

Aðalfundur Umf. Selfoss haldinn í Tíbrá 10. apríl 2014 þakkar:

- þeim sem stutt hafa starf félagsins á árinu meðal annars með þátttöku í starfinu og setu í stjórnnum, ráðum og nefndum.
- stuðningsaðilum, fyrirtækjum, foreldrum og öðrum sem unnið hafa að framgangi félagsins.
- Sveitarfélaginu Árborg fyrir veittan stuðning við starfsemi félagsins.

Tillaga 2

Aðalfundur Umf. Selfoss haldinn í Tíbrá 10. apríl 2014 þakkar sjálfboðaliðum störf sín fyrir félagið á 27. Landsmóti UMFÍ sem haldið var á Selfossi síðastliðið sumar.

Tillaga 3

Aðalfundur Umf. Selfoss haldinn í Tíbrá 10. apríl 2014 fagnar glæsilegum árangri í uppbyggingu íþróttamannvirkja í sveitarfélaginu á undanförunum árum.

Aðstaðan á Selfossi og samnýting íþrótt- og skólahúsnæðis er að mörgu leyti til fyrirmyndar og vekur aðdáun gesta sem sækja íþróttaviðburði á Selfossi.

Skorað er á sveitarfélagið að halda áfram markvissri uppbyggingu íþróttamannvirkja í góðu samstarfi við Umf. Selfoss.

Greinargerð:

Á síðasta ári var tekin í notkun ný búningsaðstaða sem þjónar íþróttasvæðinu við Engjaveg en fyrir liggur að ljúka sem fyrst þeim áföngum sem enn eru óunnir s.s. malbikun bílastæða, byggingu áhaldahúss og gróðursetningu.

Nauðsynlegt er að við nýbyggingu Sundhallar Selfoss verði iðkendum sunddeildar tryggð góð búningsaðstaða, aðstaða til æfinga og keppni ásamt því að hugað verði að vinnuáðstöðu þjálfara. Þá er mikilvægt að gera ráð fyrir aðstöðu fyrir áhorfendur í sundlaugarmannvirkjum.

Ef vel er að verki staðið gætu júdódeild og taekwondodeild nýtt búningsaðstöðu í nýrri sundhöll þar sem þeim væri jafnframt tryggð aðstaða til æfinga og keppni.

Ljóst er að hagræði skapast í rekstri mannvirkjanna með þessu móti auk þess sem álag á áhöld og tæki minnkar ef hægt er að sleppa við allan flutning.

Framtíðaraðstöðu vantar fyrir mótókrossdeild sem missir núverandi svæði sitt þegar veglína þjóðvegur nr. 1 færir norður fyrir Selfoss.

Viðræður hafa verið í gangi milli deildarinnar og sveitarfélagsins um uppbyggingu á nýrri braut. Hvetjum við aðila til að hraða þeirri vinnu.

Handknattleiksdeild og fimleikadeild eru í örum vexti og ljóst að brýn þörf er á stærri og betri aðstöðu til æfinga og keppni. Með bættri aðstöðu verður hægt að mæta þeirri fjölgun sem orðið hefur undanfarin ár en báðar deildirnar þurfa að bjóða upp á skerta þjónustu við iðkendur.

Þá þarf einnig að huga að undirbúningi og skipulagsvinnu með Umf. Selfoss að byggingu fjölnota íþróttamannvirkis á Selfossi sem mun nýtast knattspyrnudeild og frjálsíþróttadeild. Einnig mun mannvirkid nýtast öllum skólum sveitarfélagsins, starfi eldri borgara, golfurum og almenninguþróttum svo fátt eitt sé nefnt.

Umf. Selfoss er tilbúið að leggja sig fram í samvinnu við Sveitarfélagið Árborg og leggja til grunn að framtíðarskipulagi íþróttamannvirkja á Selfossi þannig að hér eftir sem hingað til horfi fólk til sveitarfélagsins sem fyrirmyndar annarra sveitarfélaga í íþrótt- og forvarnarstarfi.

Tillaga 4

Aðalfundur Umf. Selfoss haldinn í Tíbrá 10. apríl 2014 hvetur aðildarfélag sína til að fjölmenna á Unglingalandsmót UMFÍ á Sauðárkróki sem haldið verður 1.-4. ágúst 2014 sem og Landsmót UMFÍ 50+ sem haldið verður á Húsavík 20.-22. júní 2014, keppendur jafnt sem aðstandendur.

Tillaga 5

Aðalfundur Umf. Selfoss haldinn í Tíbrá 10. apríl 2014 styður umsókn Sveitarfélagsins Árborgar um að halda Unglingalandsmót UMFÍ á Selfossi árið 2017.

Tillaga 6

Aðalfundur Umf. Selfoss haldinn í Tíbrá 10. apríl 2014 samþykkir að vinna áfram að forvörnum gegn vímuefnanotkun hjá iðkendum innan félagsins, hvort sem um ræðir tóbak, áfengi, stera eða aðra vímugjafa með virkum fræðslum og kynningum. Einnig að stuðla að því að virðing sé borin fyrir því banni, bæði af íþróttafólki og gestum á heimavelli félagsins, og hvort sem farið er með íþróttafólk til keppni hér heima eða erlendis.

Tillaga 7

Aðalfundur Umf. Selfoss haldinn í Tíbrá 10. apríl 2014 samþykkir að árgjald félagsins fyrir árið 2014 verði 2.000 kr.

Tillaga 8

Aðalfundur Umf. Selfoss haldinn í Tíbrá 10. apríl 2014 hvetur Sveitarfélagið Árborg, í samvinnu við Umf. Selfoss, til að móta sér stefnu um fjárhagsstuðning við afreksstarf meistaraflokka félagsins eins og gert er í mörgum sveitarfélögum.

Tillaga 9

Aðalfundur Umf. Selfoss haldinn í Tíbrá 10. apríl 2014 skorar á Alþingi og ríkisstjórn Íslands að styrkja uppbyggingu íþróttamannvirkja á Selfossi, vegna Unglingalandsmóts UMFÍ, árið 2012 og Landsmóts UMFÍ, árið 2013, að minnsta kosti með sambærilegum hætti og gert hefur verið til annarra sveitarfélaga vegna sömu verkefna. Sveitarfélagið Árborg hefur sótt um 60 milljónir vegna þessarar uppbyggingar en aðeins fengið 23 milljónir, en heildarkostnaður við uppbyggingu mannvirkjanna var um 500 milljónir.

Greinargerð:

Ríkisvaldið hefur frá árinu 2001 veitt sveitarfélögum, sem hafa byggt upp íþróttamannvirki og aðstöðu, vegna landsmótshalds, styrki til þeirra uppbyggingar, sem hér nemur uppreiknað á núvirði (verðlag hvers árs innan sviga):

Árið 2001 Egilsstaðir	68,5 milljónir (35 milljónir)
Árið 2004 Sauðárkrókur	116 milljónir (65 milljónir)
Árið 2007 Höfn í Hornafirði	38,3 milljónir (25 milljónir)
Árið 2007 Kópavogur	84,4 milljónir (55 milljónir)
Árið 2008 Þorlákshöfn	40,5 milljónir (30 milljónir)
Árið 2009 Akureyri	48,5 milljónir (40 milljónir)

Tillaga 10

Aðalfundur Umf. Selfoss haldinn í Tíbrá 10. apríl 2014 skorar á Sveitarfélagið Árborg að tryggja iðkendur og keppendur Umf. Selfoss 18 ára og eldri eins og það gerir fyrir iðkendur 18 ára og yngri.

Tillaga 11

Aðalfundur Umf. Selfoss haldinn í Tíbrá 10. apríl 2014, hvetur þjálfara og stjórnarmenn allra deilda til að fjölmenna á þjálfararáðstefnu í Árborg sem haldin verður á Selfossi í haust.

Greinargerð

Þjálfararáðstefna í Árborg var haldin í fyrsta skipti árið 2013 að frumkvæði Umf. Selfoss og Sveitarfélagsins Árborgar. Í stefnumótunarvinnu sem Umf. Selfoss lagðist í var skýr krafa og vilji til að auka samvinnu og samstarf milli deilda félagsins með sérstakri áherslu á að samnýta mismunandi faglega þekkingu þjálfara. Sveitarfélagið Árborg styður myndarlega við þjálfararáðstefnuna með því að leggja til húsnæði og fjárframlag. Meginmarkmið ráðstefnunnar er að skapa vettvang fyrir þjálfara og stjórnarmenn til að kynnast og stofna til tengsla við þjálfun ungmenna.

Tillaga 12

Aðalfundur Umf. Selfoss haldinn í Tíbrá 10. apríl 2014 fagnar auknum áhuga á almenningsíþróttum og lýsir yfir áhuga sínum að styðja við bakið á almenningsíþróttum.

Tillaga 13

Aðalfundur Umf. Selfoss haldinn í Tíbrá 10. apríl 2014 beinir því til aðalstjórnar félagsins að leita eftir heimild bæjarstjórnar Árborgar til að hægt sé að veita léttvín í félagsheimilinu Tíbrá á afmörkuðum viðburðum.

Þorsteinn Ásgeirsson bar upp breytingartillögu við tillögu nr. 3 þess efnis að aftan við 2. mgr. tillögunnar bætist svohljóðandi texti: „Handknattleiksdeild og fleiri deildir eru þó í verulegum vandræðum vegna aðstöðuleysis.“ og að fimmti málskafla í greinargerðinni verði svohljóðandi: „Handknattleiksdeild og fimleikadeild eru í örum vexti og ljóst að brýn þörf er á stærri og betri aðstöðu til æfinga og keppni. Leikvöllur handknattleiksdeildar er ekki löglegur og er á undanþágu ár eftir ár, óvíst er hvað sú undanþága fæst lengi. Sú staða gæti komið upp að meistaraflokkar deildarinnar verði vísað frá keppni eða gert að spila leiki sína á löglegum velli og þá utan sveitarfélagsins. Slíkt er ekki ásættanlegt fyrir félagið. Æfinga- og

félagsaðstöðu skortir sárlega. Framtíðarlausn í húsnæðismálum handknattleiksdeildar hefur lengi verið til umræðu, nú er löngu orðið tímabært að setja málið á dagskrá með það að markmiði að finna úrlausn sem verði að veruleika eins fljótt og kostur er. Skortur á aðstöðu háir árangri deildarinnar, sem þó hefur verið töluvert góður, skortur á aðstöðu er eitt stórt atriði sem leikmenn nefna sem fara frá félaginu, við slíkt er ekki hægt að sætta sig við. Metnaðarfullu starfi handknattleiksdeildar verður að búa viðeigandi umgjörð og aðstöðu. Með bættri aðstöðu verður hægt að mæta þeirri fjölgun sem orðið hefur undanfarin ár en báðar deildirnar þurfa að bjóða upp á skerta þjónustu við iðkendur.“

13. Verðlaunaafhending.

Formaður og framkvæmdastjóri afhentu eftirfarandi viðurkenningar:

- Guðni Andreasen fékk afhentan Björns Blöndals bikarinn fyrir framúrskarandi störf í þágu félagsins.
- Handknattleiksdeildin fékk afhentan UMFÍ bikarinn sem deild ársins.
- Guðmunda Brynja Óladóttir var valin íþróttakona Umf. Selfoss 2013.
- Egill Blöndal var valin íþróttakarlar Umf. Selfoss 2013.

Kaffihlé.

14. Umræður og afgreiðsla tillagna.

Þóra Þórarinsdóttir lagði til breytingar á breytingartillögur Þorsteins þess efnis að bætt yrði við „Handknattleiksdeildi og fimleikadeild og fleiri eru þó í verulegum vandræðum vegna aðstöðuleysis.“ og að texti í greinargerði verði stytur þannig að texti frá „Sú staða...umgjörð og aðstöðu.“ falli brott.

Tillögur nr. 1, 2 og 4 til 12 voru samþykktar samhljóða.

Tillaga nr. 13 var samþykkt með 24 atkvæðum gegn 4 atkvæðum.

Gunnar Jón Yngvason tók til máls áður en greidd voru atkvæði um tillögu nr. 3 og taldi nauðsynlegt að rökstuðningur kæmi fram með tillögunni.

Þóra Þórarinsdóttir tók aftur til máls og kvað nauðsynlegt að koma saman sem heild og að vinna við forgangsröðun hafi verið á dagskrá aðalstjórnar í allan vetur, því hafi þessi framkomna tillaga handknattleiksdeildarinnar komið á óvart.

Því næst tók Kristín Bára til máls og gat þess að vinna varðandi forgangsröðun hafi verið í gangi og að henni væri ólokið. Tilgangurinn með tillögunni hafi ekki verið að taka eina deild umfram aðra.

Gunnar Jón Yngvason tók aftur til máls og gat þess að handknattleiksdeildin vildi samvinnu við aðrar deildir, en að deildin vildi leggja áherslu á stöðu deildarinnar.

Tillaga Þóru var fyrst lögð fram til atkvæða, tillagan var felld með 18 atkvæðum gegn 11 atkvæðum.

Því næst var tillaga Þorsteins borin upp til atkvæða, tillagan var felld var með 14 atkvæðum gegn 13 atkvæðum.

Því næst var tillaga aðalstjórnar borin fram og var hún samþykkt samhljóða.

15. Lagabreytingar.
Gissur Jónsson gerði grein fyrir lagabreytingum, svohljóðandi: Skammstöfunin „ÍÓÍ“ verði „ÍSí“ þar sem við á og í 23. gr. fellur „sem“ út í seinustu málsgreininni og í 24. gr. komi „Íþróttá- og menningarnefnd“.

Voru tillögurnar samþykktar samhljóða.

16. Gissur Jónsson lagði fram fjárhagsáætlun aðalstjórnar til samþykktar og deilda til staðfestingar. Fjárhagsáætlanir hafa þegar verið samþykktir og þær staðfestar.

Fjárhagsáætlun aðalstjórnar var samþykkt samhljóða.

17. Stjórnarkjör.

Eftirfarandi tillaga um skipan stjórnar var samþykkt samhljóða:

Formaður: Guðmundur Kr. Jónsson.

Gjaldkeri: Hallur Halldórsson.

Ritari: Viktor S. Pálsson.

Meðstjórnendur: Hróðný Hanna Hauksdóttir og Sveinn Jónsson.

Eftirfarandi tillaga um tvo skoðunarmenn reikninga og tvo til vara var samþykkt samhljóða:

Brynja Hjálmstýsdóttir og Helga Baldursdóttir.

Til vara: Snorri Sigurfinnsson og Ólafur Ragnarsson.

Eftirfarandi tillaga um skipan jólasveina- og þrettándanefndar var samþykkt: Svanur Ingvarsson, Þróstur Ingvarsson, Guðmundur Ingvarsson og Þórarinn Ingólfsson.

18. Önnur mál.

Gestur Einarsson tók til máls og hvatti félagið að skoða hvort hægt væri að koma upp fyrirkomulagi þannig að börn geti stundað æfingar hjá öllum deildum gegn einu gjaldi. Mikilvægt væri að allir finndu eitthvað við hæfi.

Gissur Jónsson tók til máls og kvað félagið þegar byrjað að kynna sér slíkt fyrirkomulag og að hann hefði ásamt fulltrúum sveitarfélagsins farið og kynnt sér slíka starfsemi hjá Reykjavíkurborg. Áhugi væri á skoða þetta nánar og tengja jafnvel við skólustarf. Jafnframt þyrfti að skoða hver ætti að sinna þessu starfi og hvort því væri vel komið hjá Umf. Selfoss. Gissur nefndi að félagið væri komið á Fésbók og að vinir félagsins væru nú orðnir um 300 og hvatti félagsmenn til að gerast vini félagsins. Fésbókar-síðan væri virk og gott upplýsingastreymi væri til félagsmanna. Hann þakkaði að lokum öllum deildum og stjórnarmönnum fyrir samstarfið. Sérstaklega þakkaði hann fráfarandi formanni Kristínu Báru fyrir góð störf.

Þóra Þórarinsdóttir tók til máls og velti því upp hvort rétt væri að taka upp greiðslur fyrir stjórnarstörf fyrir félagið. Hvatti hún stjórn félagsins til að skoða þetta.

Björn Ingi Gíslason tók því næst til máls og kvað mjög gott starf verið unnið innan félagsins og styrkur félagsins væri mikill.

Kristín Bára óskaði nýrri stjórn og nýjum formanni til hamingju með kjörið og þakkaði öllum félagsmönnum samstarfið.

Guðmundur Kr. þakkaði Kristínu Báru og stjórninni allri fyrir gott starf. Að lokum þakkaði hann fyrir góðan fund og sleit fundi.

Fundi slitið kl. 23:00.

Viktor Stefán Pálsson/Hróðný Hanna Hauksdóttir.